

藥水遺稿

下

柳田文庫


文庫11

A1199

2









文庫 11  
A 1199  
2

礫水遺稿卷下

土佐 岩村英俊著

岩村通俊

男 林 有造同校

岩村高俊

九日登高用小杜韵

灝氣橫天早雁飛。山遙江濶夕陽微。為思杜牧登高

樂水遺稿 卷下





趣也。擬淵明帶醉歸。霜緊紅楓添霽色。露濃黃菊映秋暉。閒遊服帛吾慙汝。尚是秋風一褐衣。

枕山曰。小杜之詩俊勁。而無斧鑿痕。此詩亦然。能得其法。非唯用韻之穩也。

### 遊船越氏春秋園

始上霞關百尺樓。佳花朗月占春秋。宕山美女喚將答。芝海鮮鱗招可求。饗老豐餐多酒品。諳經妙手有棋讐。灑然忘卻殘炎苦。酷勝平生幾處遊。

### 移居記喜二首

小西湖上下間居。醉月吟花樂有餘。南鄙老翁何太幸。恍疑春夢入華胥。

枕山曰。都城咫尺。有好湖山。况多俊妓名花。新華胥。大優於古華胥矣。

衆賢當世野無遺。寄迹湖山守我癡。管領月花閒富貴。奚囊貯得幾篇詩。

### 奉賀有拙川一品親王古稀

曾賜殊恩避暑遊。白頭陪侍碧江樓。數詩能比香山會。一賦還同赤壁舟。復古勲勞酬聖主。方今仁政遍



神州達尊自有天然德。長使皇家冠五洲。

枕山曰。後半句皆有關係。不為苟作。其氣骨亦絕高也。

### 大原公招飲

高風常景慕。始上駿岡亭。蓮嶽摩天聳。櫻花遍地馨。詩歌揮筆寫。絲竹把杯聽。尚齒白家會。主賓無限齡。

枕山曰。蓮嶽櫻花。雖叙實景。自寓主公之秀氣清氣。其用意之精深可知耳。

竹內梅仙會諸老友。余亦與焉喜而賦此。

矍鑠幾人俱盍簪。捋髭半日試閒吟。小窻佳友蒼髯

叟。中饋賢妻素羽禽。自笑晨星纔有影。且知天命本無心。諸君莫訝推敲久。要看初蟾上竹林。

枕山曰。無心二字。有效於九轉丹。而長生之妙藥。莫過於此。

### 春日小金井散策二首

聯步探詩又訪花。長堤十里夕陽斜。一瓢未盡三人醉。遮莫村無賣酒家。

枕山曰。近時鹽田隨齋。每携巨瓢。自號巨瓢子。此歌亦應巨。然三人成醉。其量蓋為蕉葉也。

行盡長堤金井源。老櫻踈密幾村村。當壚不見文君



美空曝長卿犢鼻禪。

枕山曰。結句裂風景。甚於花上曝浣衣矣。

春日與宮本經吉。泛舟墨水。經吉詩先成。因次

其韵。

郭東韶景属晴晨。十里長堤漲軟塵。花柳高低風帶色。雲霞濃淡水涵春。醉鄉呼快是君伍。杞國抱憂非我倫。不覺扁舟橋外去。斜陽惜別鳥啼頻。

枕山曰。第六句為反語。余謂說杞憂者。虛飾慷慨。而無實憂也。

### 恭賀春山老侯八十八壽

多年憂慮為勤王。壽宴兼欽皇運昌。積善家傳延命訣。讀書人得去奢方。翰筵醉墨涵龜硯。綺砌妍花映鶴觴。隔地惜吾難盡意。遙賚高韵寄華堂。

枕山曰。春山老侯。數年以前。徵九十壽詩於余。余賦一律以獻之。今年想應九十六七。此詩中所說傳延命術。固非虛稱也。

### 題繪島酒樓

此樓晴眺好。景物兩無倫。蓮嶽臨吟席。松魚上釣綸。



尊酒能嚴冽。盤肴最新新。欲拾櫻花貝。回潮不若春。

枕山曰。結句佳麗。亦如櫻花貝乎。

### 達磨

咄死達磨生達磨。

枕山曰。起手有力。讀未到次句。知其詩氣之勁。

生死自在

遊戲過。菩提稟性南天竺。如來是師王。是爺靈明知

覺通佛理。南嶽舊盟夙出家。濟度衆生六十載。高風

吹破六宗邪。一葦飄然至中土。金陵天子歸依多。度

僧造寺無功德。問答其如難悟何。

枕山曰。廓然無聖。真箇難悟。

渡

江小住少林寺。面壁九年默結跏。始有慧可得骨髓。

傳法五葉開一花。千聖精舍端坐寂。衆徒空葬熊耳

坡。北還宗雲逢葱嶺。啓壙隻履更無他。禪化東漸及

皇國。片岡饑人歛蹉跎。聖德之人遇聖德。于今永唱

班鳩歌。

枕山曰。磨師一逝之後。千百有餘年。無此名篇。

三條相公。賜楠中將所書墨本。賦此奉謝。

賢人自古患難多。許國心深似湊河。相漢蕭曹長定



律。佐唐房杜早收戈。藤花紫處祥雲麗。梨雪香邊瑞日和。恩賜固非金玉比。珍藏中將暮春歌。

枕山曰。頌聯本於大雅。頌聯本於小雅。通首莊麗。副題。

掘切觀杜若

雙槽搖搖溯墨河。梅兒墳外夕陽斜。紫藤已落紅蓮未。芳事全歸燕子花。

枕山曰。仲夏燕子花。獨乘芳權。又秉涼權。固非石榴花之所及。此詩以為證也。

人來索余畫。書此以塞其責。

韜略原存筆硯間。多年辛苦鬢毛斑。圮橋拋去黃公石。翻作層層斧劈山。

枕山曰。志士變為畫師。蓋為鄭虔之匹乎。

送葉松石還浙西二首

分手誰無惜別心。知音空抱子期琴。文章雅健追朱十。棋酒清娛擬石林。帆外淡山迷舊夢。舵邊涼浪滌煩襟。畫蘭應繼所南志。去托形蹤巖谷深。

枕山曰。文章棋酒。其人能知一張一弛者也。



經國文章本六經。酌將洙泗喻書生。三年鴻爪留東海。萬里鯨濤返大清。遠別臨歧寧有淚。重遊訂約最多情。恨君唯賞墨陀景。不見嵐山芳野櫻。

枕山曰。看花不游于嵐芳之境。亦猶學道而不窺孔孟之域。為大缺事。為大缺事。

### 忠度墓

軍敗君臣迷水濱。鐵衣夢冷落花塵。驍雄翻見嫺吟詠。芳績不埋千載春。

枕山曰。忠度之借宿。為梅花。非櫻花也。邦學者及和歌者流。皆瞠於事實。故不知之也。

市河萬庵酒井南嶺俱至。相携賞花于山王臺。

### 二首

爽塏聯床酒一卮。都朋鄉友盍簪時。楊花賣技也堪愛。暫止吟聲聞艷辭。

枕山曰。揚花妓。色美辭艷。可愛可愛。豈厭非類耶。維新以來。况非非類乎。

西征時報奏功多。二子凱旋難及花。花下鬪詩還拇戰。老翁餘勇也堪誇。

近聞勝海舟君。為故西鄉南洲翁。建碑以紀往



事。蓋其友善。世皆知之。余有所感。次南洲翁韻。  
以呈勝君。

大才出世豈填坑。屢免幽囚遇聖明。一國安危持勁節。萬民遠近感精誠。畏讒韓信竟為反。決死岳飛寧願生。知己原平日志。豐碑建立擬佳城。

枕山曰。余近歲與海舟君。結契殊厚。君醉中謂余曰。我不唯推君之詩文。而推君之為人。余笑曰。僕之為人。亦無可取。但平素不忘故舊。此一事。君之所推乎。嗚呼。海舟君於南洲翁。固不忘舊者也。因錄醉中之語。示其非偶然云。

箱根石打氏庭園

家在函山紫翠巔。奇觀何獨好林泉。晴湖萬頃明于鏡。倒照芙蓉八朶蓮。

枕山曰。富嶽涵湖。為假山水。豈非奇觀耶。

新春二日

昨拜新年倦送迎。不知一睡到天明。無端呼醒家鄉夢。依舊街頭賣蠟聲。

枕山曰。第二句似養餘醒。故思家鄉之新蠟者歟。



通俊寄琉球杖喜而賦

一枝拄杖類枯藤。其質堅剛世所稱。隔地盡情扶老  
父。延年彰德比良朋。探梅竹外呵拳立。嘯月橋頭又  
手凭。伴到脩齡神益壯。文場又是得先登。

枕山曰。詠杖之七律。近世以袁隨園為至巧。此篇不學其法。而自得其巧也。

遊龍泉寺別莊二首

多年辛苦一無成。老去到頭忘利名。我德原雖非萬  
石。買山情即洗裙情。

枕山曰。翁有三賢子。固不讓萬石君也。

老來愛此好林泉。不羨三公不羨仙。閒裏占閒閒自  
在。一村烟雨待新鶻。

枕山曰。顧況之詩云。夜半子規來上啼。是為待鶻之意。此詩擬之。且不受三體詩註之謬也。

失題

韜略撐腸世所知。枉傾杯酒且吟詩。私聞上國攘夷  
策。正是卧龍眠覺時。

枕山曰。這翁知上國攘夷之策。是故卧而不遷起也。



次韵樋口真吉見寄

偉矣中興業。公侯會帝京。舉賢振士氣。決策斷夷情。  
齊晉權尤重。秦吳望自輕。富强應有日。天下仰昌明。  
與中村重遠登大坂城墟

歷歷山川感廢興。豐家舊郭聳雲層。帝都遷地仁風  
邈。蘸閣為烟霸勢崩。沉井金華知水麗。纏軒藤蔓表  
龍升。不如三險宜人和。徒恃金湯敗可懲。

枕山曰。高津宮在東成郡。即為此城邊。其舊趾雖不詳。而民戶繁富。尚依遺德。可稱仁風之遠播。無

其比也。蘸閣之為烟。則不勝其感。是故古人以悲代笑。而不言之。余亦倣之云。

竹內綱見訪夜坐話舊

別後匆匆春又秋。相逢話舊水邊樓。一樽丹酒添詩  
味。數曲瑤琴慰客愁。月上長橋人影靜。宵殘廣陌拆  
聲幽。請君休復談時事。萬感胸中聚作毬。

枕山曰。東京近歲難得美釀。故讀此篇第三句。而思一樽丹酒。即為垂涎三尺。有如賀監逢麴車。無復贊他句之念也。

郊行



去歲陰霖今歲無。錦城糶糶貴於珠。郊行喜聽老農語。隴麥年豐不入租。

枕山曰。麥熟以爲小豐年。然不入官租亦爲大豐年。

### 過櫻田有感

一擊千秋殪老臣。神州士氣忽然振。遷都今日隆如此。畢竟先登十七人。

### 題自書之後

任筆雲烟萬紙翻。不投時好不言錢。素心頗感二王

妙。起一家風追米顛。

枕山曰。元章得力於獻之。而欲接羲之。此段雖善書人亦不知之。磔翁之卓識可驚可驚。

### 客中遇雨

山村水驛邈遊蹤。夜雨淒涼遠寺鐘。遙想妻兒應屈指。阿爺何日渡天龍。

### 九日登高

欲上龍山詠落暉。未嗟詩力老來微。斯生近日偏嫌醉。不用黃花引白衣。

樂水齋高

卷下

十一



枕山曰。起承二句。真箇古人。

雨中飲酣春樓

衝雨登臨台嶺隅。綠陰點滴暑威無。殘荷貼水影還瘦。賓雁度空聲互呼。翠社吟朋多老輩。燕山騷客半高儒。休嗤書畫存奇癖。誰寫剡藤應我需。

又得一首

要同吟友罄清娛。始上酣春賣酒壚。麀殺耄炎簾外雨。飽看潑墨米家圖。

枕山曰。今秋炎雖已耄。而逗酷威。豈無快雨之麀殺之耶。

達磨

禪化東遷法益隆。蔭涼千載起宗風。畫圖多似芙蓉雪。面壁家家現半躬。

秋日遊山寺

忘得人間行路難。閒吟半日倚危欄。老僧出定默無語。一鉢菌花分晚餐。

枕山曰。近歲僧徒俗了。如詩中所道者。無復一人。可勝歎哉。



賦得松柏後凋

偃蹇千山裏。遐齡人不知。勁身凝化石。靈性活為龜。肯拜秦家爵。誰歌衛國詩。後凋君子操。請看歲寒時。

至日探梅

偶遇微陽復。逍遙欲出家。尊壺滿醅醕。筆硯貯龍蛇。遠嶺戴斑雪。大川飾彩霞。小春詩料富。何獨為梅花。

枕山曰。大川之句。麗於畫。

冬日書懷

一片婆心老未灰。北山回首雪崔嵬。獄中寒苦應難忍。愛國人人惜爾才。

讀宋史

治平之道何為先。明主廷議勸經綸。為省冗兵擇勝地。欲行仁政舉賢臣。太祖憂藩鎮難制。漫然褫奪將帥權。群臣雖不乏忠實。寡兵誰防強虜軍。太宗委人不守險。可惜都城遷長安。一朝僅惜民力費。不知後來生大患。吾讀宋史顧皇國。古今莫如東照君。至治



三百年間績。聰明能知天地人。

枕山曰。將帥之權輕。而胡虜之威重。憂內藩而不患外國。太祖之無遠慮。而貽禍於子孫。豈及東照公之十分之一耶。

春日遊墨水用陶淵明遊斜川韻

新年僅五日。人情自然休。墨水撐漁艇。將擬斜川遊。昔男遊此地。嫻雅傳風流。慕都呼水鳥。有似鴨河鷗。彩霞映淡雪。遠山又邇丘。賞觀真絕景。海宇無匹儔。江上逢知己。洗盞獻且酬。扣舷謠詩句。近有此興不。

為追陶家迹。暫忘國家憂。適意今日樂。容易不可求。

枕山曰。斜川間淡。墨川佳麗。其風景雖異。而古陶昔男。憂國之意。蓋同矣。世以業平為游冶郎者。非也。此首暗帶此意矣。

春村

探梅五里三里。殘雪遠州近州。犢渡溪流淺處。人行略約危頭。

楊柳枝詞

強抱琵琶唱竹枝。妾心亂似綠楊絲。折來輕打郎肩。



語。莫向揚州愛翠眉。

枕山曰。結句亦是恐新愛之意。近乎孟郊矣。

菜花

芒鞋踏破武藏原。野雉聲驚旅客魂。不知今宵何處宿。菜花香裏易黃昏。

枕山曰。三百年前。武野之行人。帶此情景。婉而淒也。

柳岸呼船

屢呼渡漢對前津。鑽燧吹烟跪草茵。一個老僧頻念

佛。不知傍有釣魚人。

枕山曰。老僧念佛之聲。徹水中。因其力。而魚應不受餌也。

採茶詞

水陸名產頗雖多。就中富饒莫如茶。遠輸英佛又亞墨。若干國益逐年加。村園四月雷鳴日。女兒提筐摘金芽。不啻宇治與信樂。到處遍聞採茶歌。君不知豐公大度好茗讌。三百侯伯學千家。當時帶身無寸鐵。兀室交膝頂烏紗。爾來世上傳點法。竹勺陶碗向人



誇陸羽茶經能解否。未俗滔滔極驕奢。

枕山曰。三百侯伯之字。巧貼於千家。余愛此般之句也。

紫藤花下小飲

藤花滿架紫雲揚。呼友彈琴把酒觴。弱質看來同我老。依他松樹送殘陽。

洗竹

綠竹猗猗解籜時。風前輕伐幾枝枝。細香吹濕黃昏雨。髣髴猶看老杜詩。

枕山曰。本於老杜五律。

賣冰聲

北海積雪凝成稜。鑽斷片片如水晶。火船運輸千萬箱。載自函館至東京。炎熱爛石三伏日。街頭叫過賣冰聲。開化有方醫頑性。匹似仙法救蒼生。老我患眩無奇藥。只賴玲瓏一勺清。

枕山曰。昨餐加邨咫尺之冰。今爵北海萬里之冰。一冰而有奇變。萬事之奇變。可以見矣。

美人撲螢圖



溫泉浴後曳羅裳。徐撲飛螢逐晚涼。有約阿郎來稍晚。垂楊影暗古橫塘。

夏朝睡起

小西湖上老僧家。借榻安眠及曉鴉。早起何人供古佛。香風吹動白蓮花。

枕山曰。三四映老僧家三字。而太清者。

明皇私語圖

寧用忠臣諷諫吟。名花傾國愛情深。憑肩私語誓偕

老。不省漁陽鼙鼓音。

寒山行旅圖

寒山決眦送歸鴉。無澗無林不雪花。欲卸行囊何地宿。炊烟一縷認人家。

桃源春曉圖

桃花流水隔塵寰。蒸出爛霞山又山。從自扁舟探洞後。武陵春色及人間。

枕山曰。春曉二字。胚胎於昌黎。



灌佛

釋迦如來生天竺。四月八日是誕辰。十九出家卅成道。七十九齡入涅槃。枕山曰。起四句。如讀佛祖統記。八道寺院四百萬。金碧莊嚴兜率天。貴賤發願獲何德。家家香火奉世尊。君不見四天王寺花堂上。龍湯浴佛幾千人。笑問都門婦女子。或恐父母生何年。

枕山曰。反論語之意。以警兒女。固非閒言語也。

王仁

金鷄啼破東天曙。海水生紅上朝曦。一自梅花入吟詠。清香吹遍惠風暄。齋來佛經與聖典。日侍講筵教至尊。當時寬租養民力。萬竈炊烟是瑞雲。民之富兮乃朕富。不患風雨漏宸闈。自此上下嚮仁義。枕山曰。仁義為讓之本。讓亦為行仁義之本。三聖之道及子孫。千古億兆仰仁德。豈無啟沃發淵源。君不見大仁村中博士墓。藟藟今猶弔古魂。何人唱道征韓論。勿忘博士舊師恩。

枕山曰。智力之士。往往忘其本。而欲策奇功。奇功未成。已取災於其身矣。今之英者。宜以此七字書



其紳也

接竹引泉

買山高卧古禪房。竹筧踰溪水路長。池底暗搖紅鯉影。筒唇雨潤綠苔香。晨炊抱甕汲殘月。晚步傍籬澆雜英。幸遇村民成拊喜。餘流又及墾田秧。

枕山曰七八橫生枝節。

礫水遺稿卷下畢

題詞

陰德果然陽報隨我於  
此老見知之壽開八表獨  
黃髮兒有三克皆白眉慷



概未曾歎末跡醉吟狂得  
卷明時一門忠孝人稱願  
不朽何須托小詩

白崇



讀

鏢水翁遺稿題其卷末  
歷代格調手中藏非詩人詩別有  
腸勃發多年慷慨氣發為一世  
好文章



人非金石易成煙隔絕幽明已幾  
年家足傷心開卷夕對君遺像  
讀遺篇

人羨同胞三弟兄相駢朝野擅英  
名善哉經濟鍊磨手泣寫蠅頭

篇漸成

己丑之夏

梅溪於浦誠







子牙董陶足優哉  
老初坊一扁好詩是  
七存深補賜

厚知林其德



海內外為生而能生也  
身死老老在人每孫其為  
融與生也。融與生也。是  
形王三大立之乎。好



いんちん。あつちん。あつちん。あつちん。  
あつちん。あつちん。あつちん。あつちん。  
あつちん。あつちん。あつちん。あつちん。  
あつちん。あつちん。あつちん。あつちん。

あつちん。あつちん。あつちん。あつちん。  
あつちん。あつちん。あつちん。あつちん。  
あつちん。あつちん。あつちん。あつちん。  
あつちん。あつちん。あつちん。あつちん。



無上者。惟此。知。一。章。意。通。於。心。官。  
第。一。是。此。能。與。生。者。和。平。以。  
茲。以。相。為。切。家。知。一。是。也。  
行。氣。之。來。之。一。用。也。而。後。

此。以。為。好。之。者。

此。乃。在。心。口。之。好。





明治二十二年十二月廿五日印刷  
同二十三年一月五日出版

著者相續者兼發行者

岩村通俊

東京市小石川區  
西江戸川町二十壹番地

印刷者

吉川半七

東京市京橋區  
南傳馬町壹丁目十二番地

48-13397







010190525878



